

Dialogue d'enfants

1/2

Alex ani noe vô prèzintin la tzanson Francéza avoui n'a granta vedeta
tous Frédéric François
Alex Tyin âge t'â
Evelyne yé dôz'an
Alex Voeudré-toe nô derè lô metiè tie toe voeu firè ?
Evelyne Yo vouai firè mékanesseyin pô li z'armadè.
Alex Pô derè joestô, toe voeu firè vitèrinér
Evelyne Na na pâ vitèrinère, mékanesseyin ! Pô monté on genre dè katalizoeu su
la kavoua di vatzè. Toe sâ tie li vatzè de pèton sinkanta yâdzô pè dzô. Sin fi
sinkanta litrè dè gâze pè dzô.

Alex Vouè mi toe vâ aprindrè yo si metiè ? Sin lè nôvo, yin n'è kô rin dè metiè dinsè.
Evelyne Avoui pape. Yui la dza fi la makèta. Vora faaau firè la machina a pèdé su la
kavoua di vatzè. Mi sai vènu se pô tzanté, pâ pô vindrè lô sèkrè

Alex Lè joestô, tâ raizon. Tzanta pie
Evelyne chante
Alex Bravo , (takôna di man) sin tè fi point.
Alex Lô dou, i toe vènu pô tzanté ?
Anne è tiè don ! Lè sartin tie sai vènu pô tzanté.
Alex Tyin âge t'â
Anne dye z'an delon tie vin a trai z'oeurè-vin du matin.
Alex Adon sin lè préci. T'ari pâ dè problémô pôr aprindrè on metiè.
Anne Pôr lô metiè sai penkô presta. Sé pâ bien tie vouai firè. Dè vouerbè voeudré
tô firè, mi voeudré pâ avai manka dè mè kôrbé.

Alex Yè rin d'étonin intie, yin nè kô bien tie l'anmon mi aité a la rèversa tiè kôrbo.
Sâ toe tzanté

Anne On petiou mouè.
Alex Adon tè fau vèni kantatôria, dinse t'â pâ manka dè tè kôrbé. Motra pie ton
ramâdzô.

Anne (chante)
Alex Bravo, toe poeu tzanté, t'â tô sô tie fau : Lô ramâdzô è lô ploemâdzô.
Alex Vôlà ton tôr, Tyin âge t'â ?
Amanda Kator'jan apri dèman.
Alex Toe toe va vèni kâkon ! Sin lè l'âge tie l'ai Joseph, kan li frèrè l'an vindu i
faraon. Tyin metiè toe voeu firè ?

Amanda Yé kô rin decido, mi ye pintzô bien du bie dè l'istouère. La première tzhouza
voeudré savai se din lô tin, kan tô lô mondô prèdjèvé patouè, l'ékrisan in
francé ?

Alex Bin chuire tie l'ékrisan in francé. Fazan dè petioudè komèdeyè in francé. Li
dzoeyevon, lô demindze apri dené, su on ponton dè râkâ. Pouai se, yé na
lètre de Joseph Dorsaz dè mel voue sin vouetant'yon (1881) Toe poeu la yere.

Amanda lit la lettre
Alex è vora n'atyeutin ta vouè
Amanda chante
Alex Bravo, lè bien, lè mi tiè bien
Alex Tyin âge t'â ?
Laure trèjan
Alex i toe vènu solète sedatè a ni ?
Laure Na, sai vènu avoui mama.
Alex Mama de tzantè te, dè yâdzô , avoui tè ?
Laure Mama, dè min tôte li mamè, a maison, tè tin zin tin de badè lô ton.
Alex Formidâblô ! Vora tie t'â lô ton, noe nô z'impachintin dè t'atyeuté.
Laure chante
Alex Bravo, bravo, è merci a tôte li mamè pô la vibrachon du ton.
Alex Ti assoebin vènu pô tzanté ?
Stéphane Sai vènu esprè pôr sin.
Alex Va fran bien , Tyin âge t'â ?
Stéphane voue-t'an
Alex Lô pie bio âge dè la via. Tôta la sâla de sè rèdzouyè dè t'avouirè.
Stéphane chante
Alex Bravo, on monton dè bravo.
Alex Vin ma brâva, tyin âge t'â ?

Isabelle Yé die jan.
 Alex Min ti vènu sedatè ?
 Isabelle Sai vèni in vouèture avoui pape.
 Alex Adon pape lè din la sâla.
 Isabelle Vouè, lè drai , bâ u fon dè la sâla, lè si di pai regôto.
 Alex Kau lè tie t'â aprai a tzanté ?
 Isabelle Lè pape, tie m'a aprai. Yui tzanté kâzi dzor è ni.
 Alex Adon mè parmètô dè demandé u kantatôré di pai regôto, dè vèni tzanté
 avoui sa chuite.
 Alex Marci, bravo pirè, n'atyoeutin hla dzinta kôbla.
 Isabelle
 et Joseph chantent
 Alex Bravo, Bravo , voué fipoint.
 Alex è vora n'atyoeutin : Frédéric François !!!!

Présentation

Alex

Chanteurs

Évelyne 12 ans

Anne 10 ans

Amanda 14 ans

Laure 13 ans

Stéphane 8 ans

Isabelle 10 ans

Joseph papa

lire la lettre